

სამაუწყებლო კონცეფცია

მოკლედ რადიოს ისტორიის შესახებ

რადიო პალიტრამ მაუწყებლობა 2008 წლის 17 აგვისტოს დაიწყო - სლოგანით „სიმართლე უმთავრესია“. მის შექმნას, ერთადერთი მიზანი ჰქონდა - გაეგრძელებინა და გაეფართოვებინა გაზეთ „კვირის პალიტრის“ მისია დაუბალანსებელ მედია სივრცეში, მიეწოდებინა საზოგადოებისთვის სანდო და მიუკერძოებელი ინფორმაცია. ის, დღემდე ერთგული რჩება ამ მისიისა და ერთ-ერთი ლიდერის პოზიციას ინარჩუნებს ქართულ რადიო ბაზარზე.


რადიო პალიტრას მნიშვნელოვანი უპირატესობა აქვს - სხვა რადიოსადგურებთან შედარებით - ის, ჰოლდინგ „პალიტრა მედიას“ წევრია, რაც საშუალებას აძლევს, გამოიყენოს ჰოლდინგში შემავალი საინფორმაციო სააგენტოს, ტელევიზიის, გაზეთების, ჟურნალების, ვებ-პორტალების კონტენტი და იმავდროულად, ყველა ამ საშუალებით, საკუთარი პროდუქციის რეკლამირება მოახდინოს.

რადიოს სამაუწყებლო კონცეფციის პრინციპები:

რადიო პალიტრის სამაუწყებლო კონცეფცია ეფუძნება შემდეგ პრინციპებს:

- ოპერატიულად გადასცეს მაქსიმალურად სანდო, მიუკერძოებელი ინფორმაცია;
- თანმიმდევრულად გააშუქოს აქტუალური პოლიტიკური, სოციალური, კულტურის მოვლენები;
- გადასცეს ხარისხიანი, პოპულარული მუსიკა, ყველა დროის „ჰიტები“, საუკეთესო განწყობის შესაქმნელად;
- წარმოაჩინოს სრული პოლიტიკური სპექტრი, საშუალება მისცეს მსმენელს ერთნაირად გაეცნოს ყველა პოლიტიკურ ძალას, მათ პოზიციას და შეხედულებებს;
- მაქსიმალურად ჩართოს მსმენელი მიმდინარე პროცესების განხილვაში, მისცეს მას საშუალება, ღია ეთერში გამოთქვას მოსაზრებები ხელისუფლებაზე, პოლიტიკოსებზე და არა მხოლოდ მათზე;

ეს კონცეფცია, ქვეყნის პრიორიტეტებისა და გამოწვევების გათვალისწინებით შეიქმნა და დროისა და მოთხოვნების შესაბამისად ახლდება. რადიო, მაუწყებლობს 24 საათის განმავლობაში. მაუწყებლობა ვრცელდება თბილისში და მის შემოგარენში, ასევე, გუდაურში და ბორჯომში. მოსმენა შესაძლებელია ინტერნეტის საშუალებითაც - www.palitravideo.ge, www.ambebi.ge, www.radiopalitra.ge. რადიოს აქვს ოფიციალური გვერდი საფეისბუქზე <https://www.facebook.com/radio.palitra>. ჩვენი ერთ-ერთი პრიორიტეტი არის მაუწყებლობის გაფართოება ქვეყნის მასშტაბით.



23.08.2017

საინფორმაციო მიმართულება:

დღის მანძილზე, ყოველ ნახევარ საათში, რადიო პალიტრის მსმენელს, შეუძლია მოისმინოს ახალი ინფორმაცია და რეპორტაჟები მოვლენათა ეპიცენტრიდან.

ყოველი სამუშაო დღის ბოლოს, ეთერში გადის დღის შემაჯამებელი საინფორმაციო გადაცემა, "ზუსტად ექვსზე" - რადიო-რეპორტაჟებით, კორესპონდენტთა პირდაპირი ჩართვებითა და ექსპერტთა შეფასებებით.

მეტეო-პროგნოზი (8:00 - 24:00)

ყოველ ნახევარ საათში, პალიტრის მსმენელი ეცნობა ამინდის პროგნოზს, მთელი ქვეყნის მაშტაბით. აქცენტი კეთდება გუდაურზე, ბორჯომზე და ბაკურიანზე. ამინდთან ერთად, მსმენელს მიეწოდება, ამ კურორტებთან დაკავშირებული მოკლე, მნიშვნელოვანი სიახლე და უბრალოდ, მაცხოვრებლებისთვის, ტურისტებისთვის და დამსვენებლებისთვის აუცილებელი ინფორმაცია. ამ ფორმატზე მუშაობს, სპეციალური ბიურო. ანალოგიური ფორმატის მომზადება დაგეგმილი გვაქვს ბათუმიდან და აჭარის სხვა კურორტებიდანაც.

ვალუტა (8:00 – 24:00)

ახალი ამბების ყოველ გამოშვებას, ახლავს ინფორმაცია ვალუტის შესახებ, რაც საშუალებას აძლევს მსმენელს, გაიგოს, როგორია ლარის კურსი უცხოურ ვალუტასთან მიმართებაში.

"ბიზნეს- ნიუსი" (9:30 - 12:30 ყოველ ნახევარ საათში; 15:30 – 21:00 ყოველ საათში)

www.bpn.ge -ის მიერ მოპოვებულ ინფორმაციაზე დაყრდნობით, რადიო პალიტრის მსმენელი იგებს, ახალ ამბებს, ბიზნესის სფეროდან. როგორ კეთდება ბიზნესი საქართველოში! რა ხდება ახალი ეკონომიკაში, საწარმოო ტექნოლოგიებში, ადგილობრივ წარმოებაში, ფერმერულ მეურნეობებში, მედიცინის, ტურიზმის სფეროში.

"მთავარი რეგიონებიდან " (17:10)

ყოველ სამუშაო დღეს, საღამოს ეთერში რადიო მსმენელი ეცნობა საქართველოს რეგიონებში მიმდინარე სიახლეებს.

პალიტრის კორესპონდენტები რეგიონებიდან -დიდი ქალაქებიდან და საკურორტო ზონებიდან - გადაცემის წამყვანს აწვდიან ინფორმაციას, იქ მიმდინარე პოლიტიკური, ეკონომიკური პროცესების, სოციალური პრობლემების, კულტურული, სპორტული, ტურისტული ცხოვრების შესახებ. მსმენელს შეუძლია, პალიტრის ეთერით, ადგილზე ჩაუსვლილად, გაიგოს მისთვის საინტერესო ინფორმაცია, ნებისმიერ საკურორტო ქალაქზე, დაგეგმოს ტურისტული - მარშრუტები, შეარჩიოს და ჩაერთოს მისთვის საინტერესო კულტურულ ღონისძიებებში.

ვინაიდან რადიო პალიტრა ამ ეტაპზე მაუწყებლობს გუდაურში, ბორჯომში მსმენელთა უკეთ იცის, რა ვითარებაა ამ საკურორტო ქალაქებში და მოგზაურობის, სპორტული აქტივობის,



გართობისა და დასვენების დაგეგმვისას, ხშირად იყენებს პალიტრას მიერ მიწოდებულ ინფორმაციას.

უახლოეს მომავალში, რადიო "პალიტრა" გეგმავს, "ბლიც-ნიუსის" მომზადებას, აჭარის რეგიონის - ბათუმისა და სხვა საკურორტო ქალაქების - შესახებ, რათა მსმენელმა, ახალ პოლიტიკურ თუ ეკონომიკურ ამბებთან ერთად მიიღოს სრული ინფორმაცია, იქ არსებულ ვითარებაზე - სასტუმროებზე, ტურისტული ნაკადებზე, ტრანსპორტზე, კვების ობიექტებზე, ფასებზე, კულტურულ, გასართობ ღონისძიებებზე. ასეთი რადიო პროგრამები, ხელს უწყობს მსმენელების დაინტერესებას, მოგზაურობის გააქტიურებას.

პრესის მიმოხილვა - „პრესთაიმი“ (8:15, 9:15, 10:15 და 11:15)

ყოველ სამუშაო დღეს, რადიო "პალიტრის" მსმენელი დილიდან ეცნობა პრესის სიახლეებს - იგებს, რა ქვეყნდება ქართულ ბეჭდურ მედიაში - პოპულარულ გაზეთებისა და ჟურნალების ფურცლებზე. როგორია პოლიტიკური ელიტის, პროფესიონალების, ექსპერტებისა და საზოგადოების აზრი.

რადიო "პალიტრა" ეყრდნობა, საქართველოში ყველაზე რეიტინგული, "პალიტრა მედიის" წევრი საინფორმაციო სააგენტოს - „ინტერპრესნიუსის" - მიერ მოპოვებულ უახლეს ინფორმაციას. ასევე, იყენებს, 8 რეგიონული და 14 თბილისის საინფორმაციო ბიუროების კორესპონდენტების მიერ მიწოდებულ მასალებს, არა მხოლოდ დედაქალაქსა და მის შემოგარენში, არამედ ქვეყანის ყველა რეგიონსა და საზღვარგარეთ მიმდინარე მოვლენების შესახებ.

სპორტული მიმართულება

დღის განმავლობაში, ეთერში ყოველ საათში გადის უახლესი ინფორმაცია სპორტის სამყაროდან - სპორტული "ნიუსი" - გაზეთ „ლელოსა" და ვებგვერდ www.sportall.ge - ის მასალებზე დაყრდნობით.

სპორტი "დილის პალიტრაში" (8:05, 8:35, 9:05, 9:35)

"დილის პალიტრის" სპორტული კომენტატორი, ყოველ სამუშაო დღეს, მსმენელს აცნობს სიახლეებს სპორტული სამყაროდან - საუბრობს, მნიშვნელოვან მატჩებზე, შეჯიბრებებზე, ასპარეზობებზე.

ასევე, სახალისო ფაქტებზე სოციალური მედიიდან, ხმაურიან ისტორიებზე და კულუარულ ამბებზე სპორტის ვარსკვლავების ცხოვრებიდან.

"სპორტ-თაიმი" (10:15, 13:15, 16:15, 19:15, 21:15, 23:15)

შაბათ-კვირის სპორტული გადაცემა, დღეში ექვსჯერ: "ცხელი" ინფორმაცია სპორტზე და სპორტსმენებზე. მნიშვნელოვანი თამაშების მიმოხილვა.



მუსიკალური მიმართულება

გარდა ინფორმაციისა, რადიო "პალიტრა" მსმენელს სთავაზობს მრავალფეროვან, ხარისხიან მუსიკალურ პროგრამას, რომელიც უმთავრესად "ჰიტბუზა" აწყობილი და ყველანაირი გემოვნებისა და ასაკის ადამიანებისთვისაა განკუთვნილი.

„ქართული მუსიკის პალიტრა“

„ოქროს ჰიტი“

„ქართული კინო მუსიკა“

„მსოფლიო კინო მუსიკა“

„ლაუნჯ -პალიტრა“

„ნიუ“ - თანამედროვე მუსიკა, ახალგაზრდებისთვის

„მუსიკალური ანბანი“

საზოგადოებრივ-პოლიტიკური მიმართულება

რადიო "პალიტრა", მსმენელს, სთავაზობს თოქ-შოუებს, საავტორო პროექტებს, საგანმანათლებლო-შემეცნებით და გასართობ პროგრამებს, რომლებსაც ქმნიან მაღალკვალიფიციური ჟურნალისტები, ექსპერტები და მედია სფეროში მოღვაწე ცნობილი ადამიანები.

„პალიტრა“ დიდ ყურადღებას უთმობს: პოლიტიკური, ეკონომიკური საკითხების, მცირე და საშუალო ბიზნესის, სოფლის მეურნეობის, სოციალური პრობლემების გაშუქებას, საშუალებას აძლევს მსმენელს, პირდაპირ ეთერში მოუსმინოს და კითხვები დაუსვას ხელისუფლების მაღალჩინოსნებს, გაეცნოს მისთვის საინტერესო კონკრეტული დარგის სიახლეებს, მიიღოს რჩევები ექსპერტებისგან.

„საქმე“ (13:10 ყოველ სამუშაო დღეს)

ყოველ სამუშაო დღეს, ეთერში გადის გადაცემა "საქმე", რომელსაც უძღვება ჟურნალისტი ემა ტუხიაშვილი. ეს არის გადაცემა მათთვის, ვისაც აინტერესებს: ბიზნეს სიახლეები, ტენდენციები ეკონომიკაში, საბირჟო და სავალუტო ტრენდები, მომხმარებელთა უფლებები და მათი დაცვის მექანიზმები.

ასევე, მათთვის, ვისაც სურს უკეთ მართოს საკუთარი ფინანსები, დაიწყოს ახალი საქმე და გაზარდოს შემოსავლები.

პოლიტიკურ-საზოგადოებრივი თოქ-შოუები:

„რეზიუმე“ (18:30)

ყოველ სამუშაო დღეს, რადიო "პალიტრის" ეთერში საავტორო თოქ-შოუს, "რეზიუმე", უძღვება ჟურნალისტი მერაბ მეტრეველი.



მსმენელს აქვს შესაძლებლობა მონაწილეობა მიიღოს აქტუალური თემის განხილვაში, აქტუალურ სტუმართან ერთად; დასვას შეკითხვები პირდაპირ ეთერში და მოისმინოს ექსპერტთა შეფასება, ანალიზი.

”შუადღის სტუდია” (14:10)

ყოველ სამუშაო დღეს, ორიდან სამამდე, ” შუადღის სტუდიაში” ჟურნალისტი კოკა კვიციანი და მისი სტუმრები საუბრობენ იმაზე რაც მნიშვნელოვანია, რაც გვინტერესებს და გვაღელვებს - განათლების, ჯანდაცვის, კულტურის საკითხებზე; სოციალურად დაუცველი ადამიანების პრობლემებზე; ეთნიკური, რელიგიური თუ ოჯახური ძალადობით, სიღარიბით გატანჯული ადამიანების უფლებების დაცვაზე; ეთნიკურ, რელიგიურ, სექსუალურ უმცირესობათა სატკივარზე; ტერიტორიულ მთლიანობასთან და დევნილებთან დაკავშირებულ საკითხებზე, ბავშვების აღზრდის და ახალგაზრდა თაობის პრობლემებზე, და სხვა. მსმენელს აქვს საშუალება ჩაერთოს გადაცემის მიმდინარეობისას, დასვას შეკითხვა ან გამოხატოს აზრი.

კვირაში ერთი გადაცემა ეთმობა რეგიონებს, ადგილობრივი მოსახლეობის პრობლემებს, ინტერესებს, სიახლეებს მათ რეგიონში. განსაკუთრებული აქცენტირება კეთდება გუდაურზე, ბორჯომზე, ბაკურიანზე. ლიცენზიის აღების შემთხვევაში, ასეთივე ყურადღება მიექცევა ბათუმის და აჭარის თემატიკას.

ასევე, კვირაში ერთი გადაცემა ეთმობა მხოლოდ ახალგაზრდებთან დაკავშირებულ პრობლემებს - მათი განათლების, დასაქმების, მიგრაციის, საკითხებს. ნარკომანიას, პროსტიტუციას, ჰომოფობიას, გენდერულ პრობლემებს და სხვა.

”თაობა 21 ” (18:10 შაბათი-კვირა)

ახალგაზრდა ჟურნალისტების მიერ მომზადებული გადაცემა, ახალგაზრდების შესახებ. რას ჰქმნიან ახალგაზრდა მუსიკოსები, მწერლები, მხატვრები; რა აწუხებთ მათ, როგორ ხედავენ თავიანთ თავს და პერსპექტივას საკუთარ ქვეყანაში; საკუთარი შემოქმედების პრეზენტაციის პარალელურად, ისინი საუბრობენ გადაუჭრელ პრობლემებზე, რომლებიც ხელს უშლის ახალგაზრდობას ცხოვრებაში და განვითარებაში.

”კავკასიური პალიტრა” (16:10 ორშაბათი)

ყოველ კვირას, ყველაზე კომპეტენტური ქართველი ექსპერტი კავკასიის საკითხებში, მამუკა არეშიძე, პალიტრის მსმენელს, სთავაზობს მის საავტორო გადაცემას - ჩრდილო და სამხრეთ კავკასიაში მიმდინარე პოლიტიკური პროცესების ანალიზს, მსოფლიო გეოპოლიტიკური კონტურების ფონზე.

მსმენელს საშუალება აქვს, მოუსმინოს პოლიტიკოსებისა და ექსპერტების კომენტარებს კავკასიის სხვადასხვა რეგიონიდან და ჩაერთოს დისკუსიაში წამყვანთან ერთად.



”მოკლე ჩართვა” (19:30)

ყოველი სამუშაო დღის ბოლოს, ყველაზე ინტერაქტიული შოუ, ”მოკლე ჩართვა”. გადაცემის წამყვანს, ჟურნალისტ ზურაბ თვაურს, სტუმარად ჰყავს მსმენელი.

ისინი გამოთქვამენ ყველაზე მოულოდნელ, თამამ, პრინციპულ, თუნდაც უმრავლესობისთვის მიუღებელ აზრებს, ყველაზე ცხელ საკითხზე.

შემეცნებითი და გასართობი მიმართულება

”დილის პალიტრა” (07:55 – 10:00)

ყოველი სამუშაო დღე, იწყება ”დილის პალიტრით“- ახალი ამბები, სპორტული სიახლეები, ქართული და უცხოური პრესისა და საიტების მიმოხილვა, კინო და თეატრალური აფიშა, დღის კალენდარი, ჰოროსკოპი, რადიო ვიქტორინა - საინტერესო კითხვები და ორიგინალური პრიზები; კულინარია, წიგნების თარო; დილის სახალისო ამბები და ისტორიები; დილის სტუმარი.

”დილის პალიტრა” ყოველ დღილით, ხუთი წუთს უთმობს ”დილის მკურნალს”, სხვადასხვა დარგის კვალიფიციურ ექიმს, რომელიც მსმენელს აცნობს სიახლეებს და აძლევს საჭირო რჩევებს სხვადასხვა დაავადებებთან, მათ პრევენციასთან და მედიკამენტებთან დაკავშირებით!

ყოველ პარასკევს „დილის პალიტრა“ უთმობს ბავშვებს და მათ მშობლებს. ყველაფერი რაც პატარებს ეხება!

„ავტობილდი“ (9:40 სამშაბათი და ხუთშაბათი)

გადაცემას, ავტომობილების მფლობელებისა და ავტომოყვარულებისთვის წარმოადგენს, რადიო ”პალიტრა” და ჟურნალი „ავტობილდი“.

ავტო-ექსპერტი, შალვა ბუაჩიძე, მსმენელს აცნობს სიახლეებს საავტომობილო ბაზარზე, ინფორმაციას ცალკეული ფირმის ავტომობილების შესახებ, აძლევს პრაქტიკულ, საჭირო რჩევებს. და ყველა იმ თემაზე რაც ავტომფლობელებს დაინტერესებთ.

"მკურნალი" (16:10 ოთხშაბათი)

”რადიო პალიტრა”, ჟურნალი ”ოჯახის მკურნალი” და საიტი www.mkurnali.ge , მსმენელს სთავაზობს შეუცვლელ რადიო კონსულტაციებს სამედიცინო დარგში. გამოცდილი ექიმები პასუხობენ მსმენელთა შეკითხვებს, საუბრობენ ყველაზე გავრცელებულ დაავადებებზე, მკურნალობის მეთოდებზე, მედიკამენტებზე, პრევენციაზე, პაციენტთა უფლებებზე, სამედიცინო დაზღვევის საკითხებზე. გადაცემას უძღვება პოპულარული ექიმი, ზურაბ ვარაზი.

„მწვანე ზონა“ (16:10 სამშაბათი)

საავტორო გადაცემა. ეკოლოგიური ცნობიერების ამაღლებას, გარემოს დაცვითი ჩვევების გამომუშავებას და კონკრეტული ეკოლოგიური პრობლემების გადაჭრის ხელშეწყობას



ემსახურება, საქართველოს რადიო სივრცეში, ერთადერთი გარემოსდაცვითი გადაცემა "მწვანე ზონა", რომელსაც ეკოლოგიის მაგისტრი, უფლებადამცველი ლაშა ჩხარტიშვილი უძღვება. გადაცემა ინტერაქტიულია, მსმენელი ეძლევა საშუალებას, თავად მიიღოს მონაწილეობა ეკოლოგიური პრობლემების განხილვაში, საკუთარი გარემოს გაჯანსაღებაში.

"არცოდნა აკრძალულია" (12:45, 15:45, 19:45 შაბათი-კვირა)

ტელეკომპანია - "პალიტრა-ნიუსი", რადიოს მსმენელს წარუდგენს გადაცემას - "არცოდნა აკრძალულია" - ინფორმაციას, სამომხმარებლო სასურსათო ბაზარზე არსებული პრობლემების შესახებ: როგორ გავარჩიოთ ერთმანეთისგან ვარგისი და უვარგისი პროდუქტი; რა უნდა ვიცოდეთ საკვები პროდუქტებისა და საყოფაცხოვრებო საგნების შესახებ, რათა არ გავხდეთ არაკეთილსინდისიერი მწარმოებლის თუ გამსაღებლის მსხვერპლი.

"მოგზაური" (11:45, 16:45 კვირას)

რადიო "პალიტრა", მსმენელს სთავაზობს გადაცემას "მოგზაური", რომლის მიზანია, მომხმარებელს მიაწოდოს მაქსიმალურად ზუსტი ინფორმაცია, საქართველოში და მის ფარგლებს გარეთ არსებული დასასვენებელი ადგილების, კურორტების, საინტერესო, ეგზოტიკური მარშრუტების შესახებ; გააცნოს, ესა თუ ის ქვეყანა, ქალაქი, კუთხე, ერი თუ ეთნოსი- მათი კულტურა, ტრადიციები.

"გემრიელია" (8:20, 8:50 დილის პალიტრაში; 9:50 შაბათი და კვირა)

რადიო რუბრიკა "გემრიელია, ჟურნალ "გემრიელთან" ერთად, მსმენელს წარმოუდგენს უნიკალურ რეცეპტებს, ასწავლის გემრიელი, სასარგებლო, იაფი კერძის მომზადებას მარტივად და სწრაფად!

კულტურის/ხელოვნების მიმართულება

"კალეიდოსკოპი" (22:30 სამშაბათი და პარასკევი)


საუბრები ლიტერატურაზე და ხელოვნებაზე.

ცნობილი ხელოვნებამცოდნეები, ლიტერატორები, კრიტიკოსები, მწერლები, რეჟისორები, მსახიობები, მუსიკოსები საუბრობენ თანამედროვე ტრენდებზე ხელოვნებაში, ქართული და უცხოური პროზაზე, პოეზიაზე, ფოლკლორზე! მხატვრობაზე, მუსიკაზე, თეატრზე, კინოზე.

მსმენელი ეცნობა ხელოვნებისა და ლიტერატურის შედეგებს და გაუხმაურებელი ამბებს მათი შემქმნელების ცხოვრებიდან.

"ერთი წიგნი" (13:10, 16:10 და 20:00 შაბათი)

შაბათს და კვირას დღეში ოთხი ეთერი - ტელეკომპანია - "პალიტრა-ნიუსი" და წიგნის მაღაზიათა ქსელი "ბიბლუსი" მსმენელს სთავაზობს მოკლე, სხარტ, საჭირო ინფორმაციას აუცილებლად წასაკითხ ახალ და "მარად ახალ, ძველ" წიგნებზე; მათ კონტენტზე,



ფასეულებებზე, არსზე ; ავტორზე, ეპოქაზე მთარგმნელზე; მწერლები და მკითხველები, ეთერში ასაბუთებენ, რატომ უნდა წაიკითხოს ადამიანმა ის წიგნი, რომელსაც გადაცემა ეძღვნება. თვეში 2 გადაცემა ეძღვნება საბავშვო ლიტერატურას.

”აფიშა”

შუადღის საინფორმაციო გამოშვების შემდეგ - ”სად, რა, როდის”- ანუ თეატრალური და კინო აფიშა - რისი ნახვას შესაძლებელი თეატრებსა და კინო დარბაზებში; ინფორმაცია საკონცერტო რეპერტუარებისა და საგამოფენო დარბაზების შესახებ;

ბიბლიოთეკებში, მუზეუმებში და სხვადასხვა კულტურულ სივრცეებში დაგეგმილი ღონისძიებების, შეხვედრების, პრეზენტაციების შესახებ.

”არტ ეფ-ემი” (8:40 სამშაბათი)

ყოველ სამშაბათს დილის გადაცემის ეთერში და გამეორება შუადღისა და საღამოს ეთერში. რადიო ”პალიტრა”, მსმენელს აძლევს შესაძლებლობას გაეცნოს სიახლეებს კინო და მუსიკალურ სამყაროში - წარუდგენს, წინა კვირის ყველაზე შემოსავლიან ლიდერ ფილმებს, მსოფლიო ბაზარზე; ასევე, ქართულ კინოგაქირავებაში, ინფორმაციას ფილმის შემქმნელებზე და მონაწილეებზე;

ინფორმაციას, ახალი მუსიკალური ალბომების შესახებ; სიახლეებს, ბრიტანულ და ამერიკულ მუსიკალურ ”ჩარტებში”;

”ბლიც-ინტერვიუ” (10:30, 12:30, 14:30, 21:00 შაბათი-კვირა)

ყოველ შაბათ-კვირას, დღეში ოთხი ეთერი - ”ბლიც-ინტერვიუ” მოკლე ინტერვიუ, ცნობილ ადამიანებთან - პოლიტიკოსებთან, ბიზნესმენებთან, მწერლებთან, მხატვრებთან, მეცნიერებთან, რეჟისორებთან, მუსიკოსებთან, მსახიობებთან.

”პალიტრის ” მსმენელი, სულ რამდენიმე წუთში, იგებს ბევრ საინტერესო დეტალს მათ შესახებ!

ინგა დადიანი

შპს „რადიოცენტრი პლუს“-ის დირექტორი

